

救  
偏  
瑣  
言

救偏瑣言卷之十

論結痂

痘瘡行漿三日後。期至九十朝。其得膿漿飽滿。氣足血收。此陽極化陰爲姤。時當收結矣。始于人中。以及兩頤鼻準。漸至地角。以至周身。未及巔頂足脛。次第收結。痂如鎔蠟初凝。厚而滋潤。是謂珠結。毒盡解矣。其餘可知。不須調劑。有等氣虛之痘。得補成漿。漿終淡薄。至此雖云收結。痂皮飄薄。神色枯淡者。謹防精神不繼。鮮克有終。以保元八珍湯。減川芎。加山藥。以

濟其匱乏更有土虛不能制水。濕潤不斂。漿水腐白。頭溫足冷者。前方減熟地。加河車膏茯苓白朮以助其收結。如便不實而胃弱者。前方減當歸熟地。加茯苓陳皮白朮。渴者前方減枸杞。加麥冬五味。睡不熟者。減黃芪加棗仁。紅花分許。餘可類推。所謂痘後無實症。總歸虛治者此也。有等血熱之痘。稠無隙地。得力于清解成漿。連成一片。腐爛作臭。煩熱猶在。赤猶存。終係邪陽太旺。不得陰氣收斂而不能成痂者。以消癰快毒湯減蟬蛇主之外。以金蓋散收其熱。

毒亦有同于血熱。浸淫日久。至後氣血虛熱。不能收  
結。驗其煩熱。退聽神情。懶倦腐爛處。內地與漿水淡  
白者是也。以保元回漿散主之。外以細茶末以清其  
肌表。至有臭毒烈火。血熱之極。非不極其清解。其如  
烈熱未減。紅暈未收。膿囊便有欵意。謹防火褶。以成  
倒靨。以清涼攻毒。飲重以生地石膏主之。庶不至焦  
痂黑靨。令毒復歸于內。更有從前失治。漿未成熟。血  
暈如霞。竟爲烈火燔灼。已成倒靨。焦黑如煤。平者如  
螺靨。陷者成煤坑。間有老痂亦黑硬如鉄。如此等象。

若變症雜出。皆毒氣內攻所致。不得目之以膿成毒。解而作虛論也。希援于望外。以必勝湯。倍用生地。復以大桑蟲以攻發之。熱熾者。加石膏黃連。根下腫硬者。貼以胭脂膏。得盤暈漸淡漸收。平陷者。鬆黑硬者。潤或泛疤。或補空。或發癰疹癰疔。毒仍達表。可慶重生。凡血熱之痘。勾朗稀疏者。必能成漿。漿必肥濃。第虛微未清。收靨可畏耳。是痘因其漿濃。且以日久。誤認以爲回頭。不食者以之開胃。不寐者以之安神。發渴者以之補液。下利者以之實脾。如此等類。促其難。

者不可勝紀矣。僊記其一以爲觀鑑云爾。

韓人穀兄。去年有一公郎。三歲痘十二朝。絕不思食。筋抽脉惕。徹夜不寐。始事者以胃弱心虛。以宿夜曾受驚恐。藥以安神開胃而愈甚。邀余往視。痘甚磊落。第熱尚如烙。盤暈焮赤。膿囊大半爲烈火燔灼而焦。宛若螺厖。神情散亂。而毒已歸于內矣。其未變者。猶然圓綻肥黃。余曰。是痘熱毒未清。未宜收斂。以故如螺厖。黑而又薄。是倒厖而非正收也。奈何。此友毅然曰。君不見其膿之滿足耳。膿

老自是當回。愉然信爲無恙。余遂別。是夜卽斃。

### 附一治驗

潘梅老五歲。一愛痘。犯血熱。十朝壯熱未和。膿成未熟。紅暈未淡。而卽乾收。宛如火燎。兩頤平欽。痂燥而薄。面猶赤腫。始事者。亦知其爲熱毒。已清解於前矣。第清而未暢。次日又便利作痒。似乎補瀉難施。謝事去矣。勢在纍卵。但血熱尚熾。症必因之。自無兩局。以滌除救苦湯。減大黃。紅花。加地丁生地。外以牛黃一分。珠末二分。卽以藥調送。兩頤以

胭脂膏封貼。服二劑而痒定。四劑後平陷俱鬆。燥黑者。轉而滋潤矣。減青皮加金銀花。至十四劑。熱和神爽。大便頓止。寢食俱安。遂以忍冬解毒劑治收功。

### 論落膿

易癰易落。收口之佳境。然易癰有凶。有吉。易落有吉。無凶。以邪毒盡淨。而無餘毒。燔炙。癰故得一收便落。其疤大都榮潤。肌膚大都滑澤。亦有疤白不榮。陷而凹下者。此因氣血虛乏而然。非因易落而有此象也。



以保元八珍湯主之。外此有爬肌抓肉累日不脫者。有擦去疤有血迹者。有褪去兩邊中獨留一線者。有半掀起半咬緊者。有日久方脫而疤凸起者。有四沿浮皮掀起者。有身褪而頭面不褪者。或有血疤。或紫黯。或黑黯。或似茄花色者。痘疤不一。皆爲毒火燔灸所致。身熱溫和。無甚惡症者。涼血解毒而清散之。身體壯熱而多惡症者。攻毒清火。重以涼血而散解之。輕則泛疤發癰發疹而愈。重則發癰發疔而解。癰落之際。症亦多端。總以痘爲準。餘毒作祟。治毒爲主。毒

盡元。虛保元爲要。縱有實中虛。虛中實。亦權其緩急。輕重而因應之。不可遺其重且急。而反迂務其輕且緩也。若執以痘後無實症。總歸虛治。誤之甚矣。

### 論餘毒

餘毒者。痘瘡未盡之毒也。痘瘡毒化而成漿。漿老而成膿。膿成血盡而毒解。氣血虛者。血不患不盡。患漿不成。膿膿成而毒盡矣。熱毒盛者。漿不患不老。而患血未收。血收而毒解矣。氣虛之症。行漿時或失于內。拒拓而尚有未足。或人力極盡。而氣血其如虛劇。幸

不至灰白平陷漿蓋不能老而成膿餘毒有所不免  
矣。血熱之症行漿時或失于涼解或依傍日期而解  
之不早或慮寒涼太過而工力有未暢或循規則而  
反接溫補或極其周酌而毒火其如雄烈幸不至紫  
陷乾焦而膿或板黃卽鬆而或燥卽潤而紅暈尚有  
未收或收而未盡帶火收結餘毒尤有所不免更有  
甚焉者矣痘有氣虛血熱之分順逆險三途之異而  
餘毒亦然驗其毒不紅腫身涼體靜或神情懶倦其  
得飲食進而腫臥安毒山小而小且軟痛楚不甚者

屬虛而順者也。以參歸化毒湯而調治之。

毒若大而自平而板。不能起發。愁容可掬。靜而忽躁。神情終倦。涼而忽熱。未幾復涼。能食而不能強。能腫而不能熟。兩目有神。神思能定。此屬虛而險者也。以加味內托十宣散治之。庶得以潰而成膿。而毒其化解矣。

毒不拘大小。按之板實白而帶青。神思昏倦。痛楚難支。兩目無神。口出涎沫。體欲靜而不得。聲欲出而難揚。此虛而逆者也不治。

血熱之辨何如有發癰有發疹散于周身布于四體  
一發而卽身涼體靜神情爽朗此血熱之順者也其  
未發之前熱必不免睡必不寧癰必老色必燥而血  
必不全收神必旺而氣必粗此發癰發疹之機也不  
諧者以膿成可以收斂以收結可用調補致毒不得  
發洩往往有輕而變重重則有不可知之患矣不拘  
已發未發均以消癰快毒湯而一清徹之可無不瘳  
矣

若癰則毒聚矣毒併於一處而發勢必潰而得解其

毒紅腫發於四肢。面肩兩脇。熱不甚熾。寢食如常。亦險而順者也。以活血解毒湯主之。

發於兩額。腦後。胸背。環跳等處。身體壯熱。痛楚殊甚。毒大而且板。則險矣。然得板而不硬。大而紅腫。熱雖壯而體不燥。痛雖甚而不至難支。飲食與夜臥居半。亦無大害。以前方加地丁。白項地龍。并蜜湯調服。紫金化毒丹以治之。

發於百會。太陽。少腹。上下。及穀道。湧泉等處。板而更硬。紅而帶紫。更有凝結成疔。形似螺肉。毒黑而堅。根

深入肉不拘是瘡是疔燥熱如炙飲食不思徹夜不寐此險而逆者也。瘡則內服賽金花毒散。疔卽以此散調入油胭脂內以綿紙攤貼中畱一頂疔則用銀針挑鬆四圍亦如瘡之貼法不必畱頭。次日有膿水來用軟絹拭乾將此散糝入四圍仍以胭脂膏貼好。又次日復如此法俟其疔褪出竟以此填滿復貼之以疔潭長滿而止。二毒通以必勝湯治之庶可保全生命。

藉令發于咽喉當心腰膈不論小與大疔與瘡瘡則

按之硬而青黯。或紫黑疔則大如錢。聲啞氣促。神情躁亂。兩目徬惶如畏刀鋸。如見狼虎。惡聞人聲。惡見人形。或身涼而乾。或身熾而肢寒。症難枚舉。凡此等症。痘卽屈指可數。痂落無遺。亦禍不旋踵矣。

外此毒聚于肝。則目起翳障。或兩目掀腫。內背膿血淋漓。或有如猪膽汁。有過期不開。均以撥雲散治之。不可點洗。外治之法。眼科規則之劑。以療之。毒必不消。火必不散。而眼廢矣。

留於脾。於上則唇裂掀腫。堆結如煤。動卽血流。血卽



燥結於下則注入大腸下利惡垢猶之滯下之疾如  
漆如膠有純下鮮血痛楚不堪若以瀉治則枉死矣  
以滌除救苦湯治之便血者加生地血紫滯而堅凝  
者加桃仁艱塞之極者倍大黃滑石痛極者亦如之  
更加赤芍。

留于胃則口内生疳或牙齦腐爛甚則穿腮落齒漸  
入咽喉名爲走馬疳一日爛一分十日爛一寸以忍  
冬解毒湯加黃連山豆根玄參桔梗以治之外吹消  
疳解毒散。

有熱毒上壅。顛頂諸陽會集之所。時值炎天。臭惡薰蒸。潰爛生蛆者。以清涼攻毒飲治之。剪其髮。去其蛆。以金銀花煎湯淨之。或金蓋散。或黃金散。研入冰片。青黛而外治焉。

有餘火留于肺津液不能上行。咽喉乾燥。音啞而發。暗者。以清金飲治之。毒鎖咽喉者不治。

時值隆冬。表邪未盡。風邪與熱毒鬱于皮毛。至收靨時。發出如炎天沸子。名爲水珠毒。以清肌散毒治之。

餘毒般般總不越一虛實中來也。虛者真元不繼。實

者邪毒畱連症至收痂。一身之精神發皇于外。見體之實者。且虛泥虛者乎。此時火清毒解而擬調治。詎不晏然。卽毒有未盡。僅屬強弩之末。補中帶解。亦無難事。至若仍然清解。復用寒涼。猶然蕩滌。似屬理之所無。而實勢所必至。斯亦難矣。故治痘難。治偏峰之痘尤難。偏于虛者難于始。偏于毒者難于終。漿前恐懼其毒而孰知不豫則廢。漿後防其虛脫而孰知當如除惡者矣。人言百日是痘。蓋謂惡痘有潛藏之毒也。虛實之辨。必究其真。不令有似是之誤。斯爲盡善。

如毒色白而身涼者似虛。合之于唇裂逆血非虛也。  
頻解不食似虛。合之于腹痛乾嘔非虛也。羸瘦日久  
似虛。合之于氣雄壯熱非虛也。寒戰咬牙似虛。合之  
于面赤燥熱黑硬乾癩非虛也。毒色紅而時躁時熱  
者似實。合之于兩眼倦開重語聲輕非實也。便閉思  
飲似實。合之于唇白而潤不見裏急非實也。多言妄  
語似實。合之于四肢不舉重語聲輕非實也。餘毒不  
一。合之于平而塌涼而軟非實也。似是之症非語言  
所能罄者。惟在于會心者得之。得其真實真虛。而更

權其緩急輕重治餘毒無餘蘊矣。

附一氣血兩虛餘毒治驗

已未。有一陳氏子。四歲痘甚稠密。而且一齊湧出。但得分珠頂平。脚塌囊薄。色淡。人靜身涼。種種犯氣血兩虛之症。四朝乘氣血尚未離散。卽以保元湯。人參一錢。芪錢半。加茅根。淮熟地。山查。六朝頂起而囊不蒼。盤紅而色終淡。眼欲合而未緊。鼻將塞而猶通。進不勇者。防退速。前方倍以參。氏加河車鹿茸二膠。方得行漿。終不能肥。九朝寒戰漿色

腐白前方重以參四錢芪六錢更以熟附六分肉桂四分漿轉肥濃十朝漸收漸結寢食漸安見景象得轉以艱于進藥姑恤停止十二朝忽眉宇不開是晚臥不能安次日曲池二穴俱發一疤其色淡白按之不熱拂之痛甚以加味內托十宣散四劑後方紅活三日後不潰亦不退以參芪錢僅許而故淹滯如前重以三錢一劑卽潰左肩與右肋又起一毒紅腫且熱以毒未盡故復發此得氣血振作故熱而紅腫是期十八日矣前方減參芪俱半。

以胭脂膏塗貼。畱出其頂漸消平復。聊記其一。以見大意。血熱之餘已散見于前。不贅。

娠婦痘

娠婦出痘。平順輕鬆者。以安胎爲主。兼治其痘。是百病以末治之之謂也。安法不外于保脾養血。寬氣道。清子宮等項。然放標時。則以寬氣爲重。而帶升發氣。鬆則痘亦易透。升發亦無病于胎。兩全無害之道。寬氣如陳皮。川芎。酒製香附。大腹皮。蘇梗。或蘇葉。升發如蟬蛻。桑蟲。荆芥。牛旁。山查。桔梗。甘草。乾葛。或升麻。

之類起齊候。則以清子宮爲重。而帶涼解。清則與痘  
適宜。涼解與胎適合。有並行不悖之妙。如黃芩山梔  
生地。玄參甘草。清之屬也。如連翹牛旁木。通黃連。荆  
芥。山查。涼解之類也。行漿時。則以保脾爲重。而帶排  
膿痘之成。膿本于血。血之根本出于脾。保脾正催漿  
之地。如茯苓白朮砂仁陳皮甘草。保脾之要劑也。如  
人參黃芪木香糯米大棗姜蚕白芷。催漿之首藥也。  
回漿時。則以養血爲重。而帶歛陰胎之所養。全賴乎  
血。血之所有。皆耗于漿。補血且得陰收之義。如當歸



白芍丹參以補其不足。如茯苓米仁防風甘草以助其收結。擇取金銀花牛旁連翹玄參貝母等味。以稍解毒。此蓋語其常。非所以論其變也。藉令痘犯氣虛囊薄脚散者。豈得拘於胎前母氣滯而必以蘇梗蘇葉乎。荆芥乾葛無論矣。錫皮皺濕者。豈得拘于子宮宜清而必以黃芩梔子乎。連喬黃連無論矣。更有頭溫足冷灰白寒戰者。豈得拘于胎熱則動。置桂附而弗講乎。僅以參芪苓朮何能砥柱也。藉令痘犯梟毒烈火。血受其殃者。如紫艷礬紅等色。失血內瘀等症。

氣受其虛者。如貫珠攢聚等形。躁亂燔熱等症。勢必制其亢。攻其毒。今氣血歸于和暢。乃得化而成膿。若泥于百病。且安胎。惟知胎以血養。血以脾統。而不治其毒。必得胎前之毒。不治而自解。則可不則妊。其燔灼。聽其內攻。可有身外之胎乎。痘症本輕。妄投重劑。胎必受之。胎損而母亦隨之矣。痘症惡極。劑雖極重。毒其受之。毒解而胎自安矣。凡病權其輕重緩急。重在務本。不得專事其末。急在除邪。不得迂務其本。得其要領。總歸一道。

附一失治之戒

有一許氏之室。懷娠四月。身忽大熱如火。不一日而見痘。稠無隙地。細碎如麻。躁亂不寧。胸膈迷悶。痘隣于逆。所可取者色得微紅耳。猶在初見。余欲攻毒導熱。兼清肌疏透。庶幾內毒一鬆。得分顆粒。未必非挽回之一機也。厥天惑於不韻者之言。執意不欲。予辭弗藥。九朝而薨。而胎卒墮。其所以墮者。豈脾虛血弱之故。烈毒內攻。熱血煎熬。臟腑且潰。而胎有不墮乎。況小產者亦多矣。何常墮而必

斃則知其證也以毒而斃亦以毒也歟

附一懷娠山疹治驗

一友朱良老其閭懷娠六月出疹于隆冬躁亂不寧燔熱如火道中一友以寬氣養血安胎爲主佐以甘桔牛旁蟬蛻荆芥疏肌透發三朝疹非不透熱終如火煩渴不已嗽而增喘徹夜無眠至五日不推不寐并不能就枕不惟喘急并不能出聲面如土色目睛直視手指厥冷渴想西瓜六脉絕無影響其娠迫下小腹痛楚難禁身無安放立刻可

斃。舉家但願得毋無恙足矣。余殆弗藥。惜其未得  
一對病之劑。覺有不忍爲熱腸所迫。以大黃五錢  
石膏一兩。滑石生地各七錢。炒黑麻黃三分。佐以  
赤芍丹皮牛蒡荆芥地丁木通甘桔。以蘆筍煎湯  
代水。二劑後諸症稍緩。偏覓一大西瓜陸續以濟  
其渴。又二劑其疹又透。諸症減半。而娠不迫下矣。  
前方減麻黃仍以二劑而頗頓轉。喘定而得伏枕  
熱渴亦殺大半。娠卽安然。但咳嗽不止。前方去大  
黃赤芍丹皮。減石膏滑石及半。加佗參花粉黃芩。

金銀花二劑。熱渴俱平。胃氣大開。據垂懸重。症  
而復生。尚須調理。見安和而遂弗藥。越數日後。娠  
復不安。但不追下。飲食減半。復有餘熱。口内生疳。  
以消癰快毒湯。減蟬蛻丹皮赤芍。加金銀花天花  
粉。佐以消疳散。吹之全愈。是症所用湯劑。據常格  
胎前所大忌者。而得既保其母。并安其娠。見有病  
受。不第無損于胎。正見所以安之之妙。疹與痘雖  
異其所異者。惟氣虛痘耳。若烈毒之症。原同一軌。  
令是症。但留其母。猶畏大黃等味。利害並存。尚費

疳疔竟爾子母俱全。凡志醫者可不深思而潛玩也耶。有懷娠而宜峻補回陽者。若余荆之症可徵矣。不贅治驗。

痘後調護宜謹

痘後表裏俱虛。調護悉宜加謹。一有疎漏。以實接虛。病卽終身不拔。非細故也。最要有五。一節飲食。飲食不節。脾氣受傷。脾係一身根本之地。精神生發之源。有因過飽。終身不能多食者。有爲一物所傷。終身不能一見者。有因偶爾失調。致脾氣不實。遂成痼疾者。

皆能致肌肉不長。面不華色。然此尚屬日後久遠之慮。曾有東林陳九疑兄。當年一公郎痘已收功。喜食圓眼。因過愛而不之禁。縱及觔許。遂致腹脹如毬。喊不絕口。一懷抱而更加喘悶。以手扶其肋下。坐于膝上而已。極其撫摩而不稍息。以和脾宣化飲。授及三劑不效。舉家徬徨。追悔無地。余思藥雖對症。賴脾運化。叫喊幾及一晝兩夜。神其敝矣。仍以前方加參三分。助脾運化外。以山查二兩煎湯代水。服及逾時兩眼矇矓。有睡意。因得漸漸懷抱。竟爾睡着。自午及申。



醒餘大解極多所食未化者幾半。遂得開爽調理而愈。幾乎有意外之變。飲食不謹如此。

一防客感。痘痂初褪。腠裏開洩。直抵筋骨臟腑。六淫易襲。起居一有不謹。輕則傷而重則中。非泛常感冒可例。恒有寢食如常。神情如故。絕無介帶。而卒然昏暈者。其由此也。若韓尺老之長郎可鑒。不贅治驗。

一戒煩擾。痘後精神盡發于外。縱得歡容笑口。僅脫離苦境之象。精神氣血尚未之復。必得靜養可致。儘有愛而不當者。戲弄而引之。致其喜以爲喜。不知傷

其神矣。卽房閤舉動亦當以靜爲貴。去年胡漢老三歲一長郎痘方初起時值炎天。以房不寬暢移于廳後。左右紙窓日光耀目。痘眼初開。何堪當此照耀也。余令以青紗蔽之。嫌氣悶而弗聽。且頻頻煩擾。非弄其笑卽以換衣撲粉。殆無寧刻。欲其適體。不知傷神何地矣。苦口論之全不入耳。次日兩目上竄。率唇鼓頰而斃。

一體寒暄。天時冷熱不常。痘後之體又難調攝。衣服之間稍冷卽傷榮。過煖卽傷氣。或驟寒而不之加驟。

熱而不知減寒與煖大人不覺痘體受之較常人十倍矣有因寒而卽寒熱似瘧者有因熱而卽神情昏憤者難以悉指出不體寒暄之故也富貴之家過煖更什居八九不知過猶不及也

一戒好潔房中幃帳衽席自是宜潔至痘兒之體自頭面及身以至手足任其穢則穢任其臭則臭究其所以日久而穢臭猶存者以收斂之局未盡也收斂未盡精神猶在于肌表而未還元欲滌其穢而反以滌其神如之何其可也更有可畏者體膚柔嫩猶蠶

皮蛇骨之餘。輕則皮毛若刺。重則湯氣入裏。喘急腫脹。可立而待。有一兒痘將一月。其母愛潔。竟濯之以湯。而且暢其浴。次日徧體浮腫。喘急而莫救。可不慎歟。

### 痘前諸瘡宜急治

諸般瘡瘍。在痘前者。務宜急治。必愈爲貴。萬一與痘相值。痘卽極順降。而爲險矣。險自可知。以痘之最惡。無如外剝外剝。必由于癢。瘡則未有不癢者。痘卽可免。而瘡爲之招。連痘亦沸然矣。或得蒼老稀疎。間瘡

而出者即癢或可禁止。設若稍密其必透瘡四畔。攢集其巢以瘡爲窟矣。水從下流毒從虛發也。至痘起脹時浮浮一片無分瘡痘。一擦而身無完膚矣。雖有善者何能濟其患哉。世人不諳者多。恒置而不問。有誤認瘡痘總是一毒。反暢其發以爲稀痘之計。不知痘係交媾慾火之毒。感于娠之兆者。瘡乃成孕之後受母腹之積熱。或生下後濕熱流火所發。與痘絕不相侔。累月經年何能致稀一粒。亦有瘡後而果稀者。適相奏也。與瘡何與。又有無稽之言云。嬰兒體膚柔

嫩瘡藥一及滲入骨髓發痘不出舉世訛傳誤人不淺但治瘡有法當以漸而施先於胸腹次日肩背又次日四體結末頭面治其一緩其三周而復始以愈爲度乃爲良法不則治之太驟柔體不勝反致變矣不可不知

### 附治驗

余甲寅生一兒百日內生肥疥瘡曩時亦惑于人言而不敢治漸漸通身布滿無容針隙地日夜啼號乳食減半余思痘固當慮尚在日後而況未確

瘡毒如此猖獗危在旦夕孰緩孰急當務自在選  
合掌丸如前法治之內以忍冬解毒湯減紅花加  
黃柏生地玄參治及半月而愈後來出痘頗密而  
透發甚易人言不足憑如此。

嚴琢菴老先生吾宗間如茅奕啟兄諸公郎俱百  
日內生胎毒瘡其瘡成暈成圈中低陷而圈浮突  
宛如梅毒目之可畏有透臍者有在耳畔者有透  
肛門者餘處難以數紀俱以牛黃八寶丹五分一  
丸日進二服外以化毒丹調入胭脂內一一貼之。

週時一換更佐以忍冬解毒湯加羌活仙參黃柏  
桃仁赤芍減紅花與丸間服乳母忌魚腥麵食薑  
椒炙故子幾百日而愈偶如子愈而復發幾及兩  
載而痊惟嚴先生所藏牛黃金光寶色川中亦不  
偶者內服與外治兩倍於二子不及兩月全愈嗣  
復出痘皆收功無恙。

臧頤渚老先生孫廣師兄之子也生雙胎先下地  
者三朝便生毒瘡細似針沙赤如紅霞三日後連  
成一片一擦而膚剝去徧體如焚以痘前瘡當任



其生不事醫藥。十數朝卽斃。其次焉者。於十朝後亦發此瘡。與前無異。予曰。是瘡於母腹中受積熱積毒而發。名爲血霞瘡。治之不早。有性命之憂。但不利于痘也。余言及此。追悔無已。云初生者。昨已斃于瘡矣。今治之可無恙乎。余授雙仙化毒丹。并牛黃八寶丹二方。一治其內。一治其外。而愈。厥後出痘。何嘗受治瘡之累。如此治驗。難以筆記。聊存一二。以證焉爾。

誤治之戒

吾郡有爵尊望重年逾五旬者。一鄉紳。止有一子。郎。兩月內生胎毒瘡。與前三症宛肖。竟憑老嫗。尼之言。以痘前瘡宜發。不宜醫。反令乳母食魚鮮。雞笋以發之。其瘡日盛。延一不韻者。以是瘡似梅毒。與大人梅毒同治。用川椒一兩。全蝎五錢。與奶母假道于乳。亦妄與震拔其毒。服及過半。其瘡愈大。因愈突陷愈深。隙地復增。血點細瘡。無不徧滿。熾熱如火。膚赤如霞。目紅口燥。徹夜煩擾。邀予往視。勢猖獗矣。以兩月芽兒。如是之毒。如是治法。不

覺爲之怡然。予大戒其乳母忌口。急錄牛黃八寶丹方。令速修合。將如治三家之法治之。容或可挽。先以消癰化毒湯。減蟬蛇二劑。後猖獗之勢。亦得稍緩。嗣復聽卜。云爻象無咎。但別有天醫。以余方爲廢紙。老嫗輩仍復主張。將所餘震發之劑。罄盡當忌之物。大啖。遂至不救。惜哉。

### 失治之戒

姚世所老先生。三歲一愛。瘡將愈矣。惟兩小股至足。尚未結靨。而痘繼之。九朝漿及下部。痘與瘡競。

滅一片。浮浮痒洲。十朝愈甚。兩股交擦。和波刮去。痛狀可慘。惜頭面及身成痂。過半。因兩足作楚。連垂成者。亦歸于敗。十一朝而死。瘡之惡也。如是夫。

### 論大黃

有客過余而問曰。伏火伏毒。非消解之能事。攻之固不容已矣。然大黃之力。斬關奪鎖。爲蕩滌之將軍。元臬毒火。當之尚爾。退聽於氣血。則獨無所碍乎。氣血若磨。孰爲領載。孰爲化解。而能爲其功也。予曰。不然。有病則病受病受其藥。則銷鎔其邪毒。邪毒銷鎔。則

氣血不爲邪毒桎梏而融通灌漑于痘矣不第於氣血無損正以救護氣血之地也邪正相乘一負則一勝負旣在此則勝自在彼但當衡其輕重所重在補養正則邪自除所重宜攻驅邪則正自復何虞氣血之受損乎

蕩滌之法古來不數見也問有用者不過錢許至三錢一劑至二劑要不出便閉者方用便利卽止若錢許以至兩許自放點以至落痂甚至瀉利者用之而便反實有純利清水而攻猶未已。是豈索

隱行怪好奇示異哉。奈世運變遷。甲子以來。痘疹  
迥別于前。是年曾有一痘。磊落粗綻。肥紅光澤。圓  
滿如珠。目之者咸贊其爲狀元痘。予按其身熱如  
火。口中乾膩。予思痘象固佳。不宜熱渴如此。謂其  
父曰。是痘氣血強旺。又得內無伏毒。外象故好。然  
熱渴太甚。火毒非輕。速宜涼血清火。不可懈也。此  
人全不之信。不事醫藥。至九朝帶火。乾收燥硬。焦  
痂有如瀝青盤。暈肆溢。有似紫霞。喘急躁亂。而莫  
能挽矣。以如是之痘。縱失醫藥。亦何至於此地。乃

竟以一熾熱一膩渴之嫌。便同於逆。可遁而推之。  
熾熱而更頂陷者。當何如。頂陷而更紫滯者。又何  
如。紫滯而更稠密者。又何如。稠密而更加貫珠堆  
簇者。又何如。貫珠堆簇而更內多惡症者。又何如。  
是知清解所不効者。當破其凝滯之毒。而佐之以  
清解矣。至破滯而不能取勝者。當進而攻其伏藏  
之毒。而佐之以散達矣。放點凶惡。攻之而起脹。得  
以清徹則已。起脹未應。攻之而成漿。得以暢遂。卽  
止。乃至有收結而始盡淨者。有落痂而始霍然者。

然其所以然者原非有怪異也。前之毒盛者至起  
脹時毒盡發于外。所謂毒出一步內虛一步。至行  
漿時痘稠密者。惟有氣血不繼。故必以保元爲要。  
一失內拓必至白陷。灰陷。錫皮。皺濕。氣離。血散而  
敗。今有毒盛者恒多伏藏于內。輕則內擾。重者內  
潰。內擾者猶可以清解疏達而起。卽有不應。蕩滌  
之而自鬆透矣。若內潰者。臟腑糜爛。藥卽金丹亦  
爲無用。而況清解乎。故內毒甚者。無論發始半途  
卽結尾收成。餘殃未殄。當如除惡務本。必期于盡。



但盡之之法。又當察其輕重緩急而因應之。不可執成見于我也。純熟於此。不特險之重者。得以轉危就安。卽鄰于逆者。施功於已發未發時。儘可挽回。若腰如被杖。叫喊不已。空竅失血。蚤癰蚊迹。紫背浮萍。纏腰兩截。托腮鎖項。睜毛倒豎。稠密細碎。面目浮腫等症。前賢往哲。列于不治之條。皆可以起。尤宜治之於早。乘毒無定位。內未受攻。乃克有濟。若至三日期。其內已受攻。亦無如之何矣。

### 論石膏

石膏名爲白虎湯火泡燃桐油調敷痛卽如失怪其  
何如其寒也人有言疹要清涼痘要溫琴連犀角尚  
不敢輕投恐傷脾胃用之而且兩訐更有始終不撤  
不惟無傷於脾胃而更得益焉何也喜溫之說前人  
言氣虛之痘若犯血熱熱而且甚者內煎熬而外沸  
騰五內之地其恐其銷燬重則爲其焦枯蓋以先  
天毒火火而出之於毒不啻一熱而已毒而濟之於  
火其猛烈當何如也石膏雖大寒僅足以制其亢寧  
有餘寒而傷及于脾胃乎儘有落痂之後火邪盡淨

復起牙疳。目生翳障。但有未盡之餘。不見有過寒之症。總不越有病病受。若使中病卽已。不必盡劑。容可過乎哉。何爲中病。假令身熱如火者。熱和爲中。大渴不已者。渴緩爲中。紫艷。炊紅者。紅活爲中。何爲未中。如口熱如爐。空竅失血。唇焦舌黑。狂煩譫語。其勢未緩。病猶未中。雖多何畏焉。藉令泥古方。拘日期論劑數。則誤矣。

論諸尾血

諸血皆補。惟此血最活動。而搜剔凝結之瘀。所以產

婦多有食之取其能破敗惡露也。論痘非血不載。非血無漿。況補血之功不易。何反取其破敗爲哉。毒熱透者。血得載毒而出。痘雖稠密。色必紅活。自無凝滯之患。若毒火雄烈。萌動卽熾。血遇之卽凝結而瘀矣。血本載毒者也。瘀則連血亦爲毒血矣。不第此。瘀爲毒已也。一有瘀毒。并周身之血悉爲此毒。蟄伏而不得灌輸於痘。以故痘有空殼。以故有與肉色一般。此痘之最惡者也。如女人懷娠。通身之血朝毓于娠。上乳下經皆絕響矣。不則天下有無血之孩乎。其次則

乾紅晦滯紫艷乾焦或蚤癍蚊迹種種皆內瘀之符也然此瘀非猶夫血塊癥瘕之類無論小大皆係殺療攻毒但小則日期緩大則日期迫耳緩則桃仁地丁紅花赤芍亦能取効迫則必需于此猪血固能破瘀而出自毛尖尤爲活動緊關之處而且取破血下流之義得冰片爲佐開洩腠裏通達內外內結散而外滯疏此瘀一活則一身之血皆得灌輸于痘而立轉紅活矣是以血活血猶之以血補血草木之味烏能及焉如用之輕必盞許重則四五盞或十數盞方

可取効。如方書所云一二點。此亦習聞而未能經驗者也。

### 論濁陰

何爲濁陰。無價散。雞矢醴。人中黃。人中白。童便。秋石。金蓋散。金汁。糞青。女人經布。男婦衲襦之類。均爲濁陰。辛甘爲陽。苦寒爲陰。輕清爲陽。重濁爲陰。此等穢惡。尤爲陰中之陰。濁中之濁。痘犯烈火。苦寒所不能勝。非此莫制。予孟兒。喉間忽然鯁痛。身卽躁熱如焚。俄頃而音聲卽啞。咽傍有兩蛾相對。如圓眼大。先以

蘆刀刺之。令出惡血。色甚紫滯。予見勢重。卽以大黃  
石膏黃連荆芥牛旁生地甘桔木通連服二頭汁。不  
應。滿腹如火炙。不醒人事。前方用大黃五錢。生地石  
膏各一兩。日服三頭汁。如此服過三日。勢不稍殺。而  
且日甚。燈與幃帳相去丈餘。畏明若刺。口中譫語。音  
啞。不知所訟。如此三日。所服之劑。水之交。石子思陽  
光烈火。非苦寒所能駕馭也。遂想濁陰以勝之。濁陰  
之中。無如雞矢。雞矢之中。惟糖而若乾醬者爲最。此  
又濁中之濁。陰中之陰。能治疔瘡立効。其濁陰無匹。

可見。取有尖頭者佳。以六一散調爲丸。如菰豆大。以六一散一二匙。研入冰片少許爲衣。以掩其臭。且得以開洩竅脉。用燈心湯送服。一二刻後。從來燥熱如火。忽爾身體振戰。汗洩如漿。發出一身惡疹。與牛皮癬一般。自來疹子無癩。及回後。徧身脫下痂皮。如厚汕紙。而諸症悉愈。若非此品。斬將募旗以奪之。諸藥終歸無用。一奪其勢。諸藥亦與有力焉。濁陰能制陽光。先言堪世則矣。人畏大黃爲將軍。石膏爲白虎。此症用及各有勛餘。如水交石。賴此開先。而始奏效。



救偏瑣言

卷十

天

惠迪堂

所以藥貴對病寒熱攻補是在用之者何如耳

瑣言備用良方

清肌透毒湯 治痘瘡已發未發為肌熱所感

阻塞者此湯主之

荆芥穗 三分 乾葛 八分 前胡 一錢 桔梗 四分

甘草 二分 山查 二錢 蟬蛻 三分 加薑一片

直達透肌敗 治痘將出未出無甚外感亦不至內

傷但身熱嘔吐眸子眊焉者此湯主之

蟬蛻 山查 陳皮 前胡 葛根

加薑一片嫩葶頭一個

溫肌透毒散 治痘已發未發為寒邪固閉者。此湯

主之

防風

五分

麻黃

蜜炒黑  
色三分

川芎

八分

蟬蛻

三分

山查

二錢

桔梗

三分

甘草

二分

陳皮

六分

加薑五分

寬中透毒飲 治痘已發未發而飲食內傷者。此湯

主之

山查

三錢

青皮

六分

葛根

四分

陳皮

五分

前胡

八分

萊菔子

七分

桔梗

三分

蟬蛻

三分

麥芽

一錢

加薑三分

疏肝透毒散 治痘前驚跌而發搐者此湯主之

僵蚕

炒四分

蟬蛻

一分

薄荷

二分

鈎藤

六分

青皮

七分

木通

三分

前胡

六分

山查

二錢

羌活

四分

荆芥

三分

加燈草一分薑二分

清熱解毒湯 治痘放點乾紅色滯壯熱煩躁者此

湯主之

荆芥穗

紅花

蟬蛻

木通

各三分

牛旁 一錢

丹皮

青皮

各七分

生地

二錢

山查

二錢

滑石 三錢  
前胡 七分  
地丁 四分  
黃連 六分

加燈心一分

調中湯 治未痘時先因吐瀉裏虛。隨感時行見痘。

日昨低陷。神情困倦者。此湯主之。

人參 五分  
陳皮 四分  
蟬蛻 三分  
川芎 八分  
甘草 二分

扁豆 一錢  
枸杞 一錢  
穀藥 六分

加薑二分。大棗二枚。此權宜之劑也。精神稍

醒。卽當加減。

涼血攻毒飲 治痘毒火肉伏。煩渴躁亂。身體反涼。

痘色紫滯。礬紅徹夜無眠者。此湯主之。

大黃 二錢 荆芥穗 五分 木通 四分 生旁 丹皮

紫草 各一錢 赤芍 八分 葛根 七分 蟬蛻 四分 青皮 七分

生地 四錢 紅花 四分 加燈心 一分

鬆肌通聖散 治痘腠裏阻塞。血凝氣滯。窠粒隱隱。於肌肉之間。痘色乾紅。晦滯。神情悶悶者。此湯主之。

羌活 荆芥 紫草 紅花 木通

赤芍 地丁 青皮 牛蒡 山查

蜂房 當歸 防風

加蘆笋胡荽

清涼攻毒飲 即黃散 治痘瘡大熱如火紫艷深紅煩

渴顛狂者此湯主之

石膏 三錢至一兩 黃連 一錢至三錢 大黃 三錢至六錢 木通

紅花 荊芥穗 各四分 牛旁 一錢五分 犀角 磨汁三分

丹皮 一錢 青皮 七分 生地 五錢至一兩 地丁 一錢

加燈草一分

清暑透毒湯 治痘值酷暑神情煩悶不時哈舌大

渴思冷。戰然汗出。或身涼如暈。痘瘡淹滯。此因暑氣閉塞故也。此湯主之。

陳皮

厚朴

各四分

葛根

三分

澤瀉

香薷

各五分

黃連

七分

滑石

三錢

青皮

七分

蟬蛻

三分

甘草

四分

扁豆

一錢

加燈心一分

疏邪實表湯

治痘屬氣虛皮薄色淡身涼體靜兼

有表邪外束者。不拘漿前漿後。此湯主之。

黃芪

防風

荆芥

甘草

川芎

白芷

桔梗

加薑一片胡荽一錢



必勝湯 治痘血瘀氣滯窠粒實而不鬆痘色滯而

不活或乾紅或紫黯或癰點諸般痛楚或貫珠

或攢簇毒火兩伏此湯主之

大黃

小劑七分至三錢大劑三錢至一兩  
勢急者以一半同煎一半臨起投下

青皮

五分至二錢至五錢至五錢至赤芍 錢半

木通

三分至二錢至三錢至三錢至

生地

二錢至半兩至二錢至白項地龍 三條至

紫花地丁

小劑三錢中劑七錢至六分

山查

大劑一兩小劑五錢中劑五錢至三兩三味煎湯代水煎

既濟湯 治痘火毒太盛。時值降冬閉塞。此湯主之。

荊芥穗

麻黃

去根蜜炒將黑  
地上出火氣

葛根

石膏

黃連

大黃

蟬蛻

牛旁

加薑二片芫荽一錢陰陽水煎

清金攻毒飲

治痘毒壅于肺。聲音不清。喉間痛楚。

煩渴壯熱。痘不起者。此湯主之。

桔梗

甘草

牛旁

大黃

佗參

前胡

枳壳

山查

蟬蛻

僵蚕

山豆根

荊芥穗

加燈草一分

涼膈攻毒飲 治痘熱毒壅于上焦胸膈煩悶壯熱發渴。揭衣棄被痘色紫艷深紅者。此湯主之。

大黃

黃連

石膏

荆芥

地丁

玄參

黑山梔

赤芍

生地

桔梗

木通

甘草

牛旁

薄荷

枳壳

加燈草一分竹葉三十片

消癰快毒湯

治痘有夾疹夾癰膚紅如醉者。此湯

主之。

連翹

玄參

生地

牛旁

木通

蟬蛻

丹皮

荊芥穗

黃連

甘草

地丁

赤芍

極熱者加大黃

加燈心二十莖

窮源透毒散

治痘瘡毒火深潛累日不起色有乾

紅有紫滯或煩躁或昏沉身體不熱者此湯主

之

大黃

青皮

穿甲

紫草

歸尾

地丁

木通

牛膝

羌活

荊芥

紅花

加蘆筭十株

錢氏百祥丸 治痘瘡黑陷便閉裏實者。

紅茅大戟不拘多少煮極軟去骨日中曬乾復于  
原汁中煮盡汁焙乾研末水跌爲丸粟米大每服  
十丸至二十丸研赤芝蔴湯下

神應奪命丹 治痘瘡毒盛透發不起者

劈砂一兩囊于白紗內外配升麻麻黃各五錢紫  
草連翹各一兩四味同入紗囊中於砂鍋內用新  
汲水將柴柴火煮一晝夜取出辰砂研末仍將煮  
砂藥汁將綿濾清晒乾爲末聽用

麻黃不去根節蜜酒拌炒焦色地上出火氣八分  
蟬蛻洗淨去足翅一錢紫草酒洗三錢紅花子一  
錢五分真蟾酥五分穿山甲酒拌炒一錢五分共  
研細末用猪尾血杵爲丸桐子大週歲者一九二  
歲者二九其餘三九爲則酒漿化服厚蓋取汗擇  
天醫生氣日合

散結湯 治痘血滯氣滯色乾紅而裏不鬆者

青皮

羌活

赤芍

紫草

地丁

山查

荆芥

升麻

川芎

木通

牛旁

丹皮

加蘆笋十株鮮芋頭三個

養榮附氣湯

治痘窠囊蒼老歸附不厚而淡白者

當歸

熟地

川芎

紅花

生地

甘草

加蘆一片

寶氣飲

治痘血至而氣不至歸附則厚郭殼不長

或平或陷而不克肥者

丹皮

荆芥

青皮

山查

穿甲

牛旁

木通

赤芍

僵蚕

蟬蛻

加蘆笋十株臨服和大桑蟲

瘡榮散 治痘氣至而血不至。郭郭飽滿而根窠晦

者

紅花

豬尾

紫草

丹皮

荊芥穗

地丁

牛旁

木通

赤芍

加地龍三條臨服和猪尾膏半盞

滌邪救苦湯

治痘毒火下注大腸邪毒逼迫欲解

不解。毒垢穢臭無倫者。

黃連

大黃

牛旁

紅花

滑石

木通

蟬蛻

荊芥

澤瀉

青皮



赤芍

山查

加燈心二十莖陰陽水煎

萬兩黃金散

一名無價散  
一名四聖散

治痘瘡氣爲毒滯而陷。

血爲火灼而黑者

人糞

猪糞

猪糞

犬糞

臘月收取四糞乾結者用礬糠火煨黑存性

爲末各等分研細以蜜水調服每服三分至

七分

猪尾膏

治痘瘡細如麻芥實而不鬆黯而不活諸

般惡形惡色惡症累日不起者

取小雄猪尾尖血少則蛤殼多則一盞以絹絞淨  
每盞和梅花冰片二厘卽調于煎劑內服以痘轉  
爲度如小猪不得卽大者亦可

養榮透毒湯 治痘瘡血虛淡白并囊窠不起者

桔梗

甘草

當歸

川芎

熟地

紫草

山查

蟬蛻

木通

穿甲

加蘆笋十株

蟬針法

治報痘有紫硬有黑陷有歪斜并諸痘內

色紫黑根腫硬獨大于衆痘者用之。

取水蛙大者放于患處將蛤殼合于蟬上用軟絹束之吮出毒血次以藥胭脂膏封貼如無此物以銀針挑破令奶母含金銀花汁以吮之

散火鬆毒飲 治毒爲火鬱不能透發色紫滯而囊

不鬆者

荆芥穗 丹皮 木通 連翹 防風

赤芍 露蜂房蜜炙 紫草 青皮 牛旁

山查 加燈心半分

平順清解飲 痘至起齊不犯氣虛無甚血熱稍用  
清解者以此湯主之。

桔梗

甘草

山查

僵蚕

木通

連翹

紅花

牛旁

白芷

生地

加炒占米百數粒

托裏無憂散 痘至六七日身不熱痘不燥亦不甚  
紅。囊不寬肥者。以此湯主之。

黃芪

人參

甘草

僵蚕

白芷

桔梗

當歸

川芎

加炒占米

大棗

賽金化毒散 治痘內有伏毒。啼號不已。經日不起。

并發癰發疔者。以此散用蜜湯調服。痘若發傷。

或攢簇堆聚。或報點鼻惡。乾焦紫黑。板硬等象。

悉以此散調入油胭脂內。用綿紙做如膏藥樣。

以貼之。

乳香 沒藥 各一錢 山汗 川貝母 去心 雄黃

黃連 天花粉 各一錢 生用 大黃 半炒 半生 各二錢

甘草 七分 赤芍 二錢 冰片 一分 牛黃 二分

珠子

四分研極細以無聲爲度

保元八珍湯

治痘一切氣血兩虛囊薄色淡身涼

體靜頂平頂陷漿消皺軟者此湯主之

人參

黃芪

甘草

當歸

淮熟地

川芎

枸杞子

山楂

外加薑二片炒糯米百數粒

回陽返本湯

治痘氣血虛劇皮薄漿清錫皮灰白

虛惕寒戰者此湯主之

人參

黃芪

鹿茸

酒炙剉片用當歸酒煎膏配藥

救偏瑣言

備用良方

上

川芎

肉桂

甘草

山查

熟附

外加大棗二枚

實脾固本湯 治痘脾虛滑瀉此湯主之

人參

白朮

茯苓

木香

廣皮

訶子

炙甘草

肉蓯

完穀不化者  
加麴數服用

外加薤白

納穀散 治痘神不煩熱不熾痘不燥而飲食不思

者此湯主之

人參

白朮

茯苓

廣皮

山藥

炙甘草

外加陳倉米大棗煨薑

瀉黃納穀散

治痘邪熱犯胃唇口燥烈口中膩渴

甚至舌起芒刺。嘴黑如煤。漿後身猶壯熱。種種  
燥熱而不思食者。此湯主之。

石膏

黃連

生地

丹皮

木通

甘草

炙用

生甘草

牛旁

山查

荆芥穗

重者加大黃

外加燈心

補液湯

治痘津液不足而發渴者。以此湯主之。

人參

麥冬

五味

訶子

桔梗



甘草

清金解渴湯 治痘金被火燦而咽乾口渴者以此湯主之。

石膏

生地

黃連

桔梗

荆芥

甘草

牛旁

連翹

葛根

天花粉

加燈心

莖竹葉

片

安神散

治痘後邪毒淨盡心虛不寐者

人參

棗仁

茯神

甘草

當歸

麥冬

白芍

栢子仁

加燈心

蓮肉

清宵忘書飲

治痘邪熱擾亂心神不寧夜不成寐

不拘首尾以此湯主之

黃連

丹皮

生地

木通

甘草

荆芥穗

黑山梔

加燈心竹葉

硃砂六一散

治痘出炎天煩渴不寧或熾熱紫艸

心胸煩悶者

嫩滑石

水飛淨六兩

生甘草

爲末桑皮紙篩過一兩

辰砂

澄過五錢

涼燈心湯調服或雪水梅水俱可

金蓋散

治痘腐爛不收。和皮脫去。以此散撒在褥

席上。令兒眠上。若以絹袋盛之。通身撲之。亦可。

取黃牛糞尖。晒燥。礱糠火煨黑。存性。研細用。

滋肌散

治痘漿足半靨。紅暈未收。壯熱未和。以此

散包于絹內撲之。

滑石

六兩

甘草

二兩

菉豆粉

三兩

爲極細末用

水楊湯

治痘板實不鬆。或禁紅。或紫黯。八九日不

行漿。甚至有作痒者。以此湯浴之。

取水楊柳連枝帶葉剉斷四兩長流水十數杓煎  
十數滾去查將三分之一傾于脚桶內以手探之  
不可太熱亦不令太溫先以應服之藥服之而後  
浴其湯漸漸添下浴後以紬絹收乾逾時以燈照  
之隱隱鬆浮漿脚動矣冬月宜於帷帳中更備脚  
爐旺火于兩旁不使寒侵爲妙○此柳生於水灘  
四月間纔有其柳不生旁枝長者三尺許粗者如  
細篠其葉較垂楊葉尚厚帶有白意至五月葉下  
開細細紫花者是此名水楊柳非忍冬藤亦非等

別柳樹也須預備風乾得用其性最能活血脉利筋骨大人有患拘攣手不能握足不能步者用酒煎服不能酒者水煎其効有靈氣

保元回漿散 痘有身涼體靜漿不滿足膿囊漸潤至收靨自是不齊此湯主之

人參

當歸

甘草

黃芪

白芍

米仁

茯苓

加薑棗

活絡透毒飲 治痘收靨時熱毒潛連恐容可掬將來餘毒在所不免却不易來者以此湯預活之

羌活

紅花

荊芥

牛旁

木通

當歸

牛膝

蟬蛻

青皮

連翹

外加地龍

忍冬解毒湯

治痘痂初褪大局無虞。疤少榮潤熱

欠清和防餘毒竊發者。此湯主之。

金銀花

土貝母

甘菊

荊芥穗

牛旁

紅花

甘草

木通

連翹

地丁

外加胡桃

撥雲散

治痘後熱毒在肝。兩目通紅。甚至起障生

醫者以此湯。

生地

黃連

木通

荊芥穗

穀精草

甘草

赤芍

羚羊角

大黃

一分至三分

木賊

甘菊

金銀花

羌活

望月沙

加燈心白芙蓉葉

消疳解毒散

治痘後牙疳。

薄荷

五分

兒茶

一錢

冰片

一分

人中白

三錢

天花粉

錢一

甘草

五分

青黛

水澄

黃連

五分

牛黃

分一

珠子

二分

雨前茶

五分

白朮

一錢

研極細以無聲爲度先以濃茶拭淨方吹

加味內托十宣散 治痘後餘毒白而不紅平而不

起按之不熱愁容可掬此本氣血兩虛漿不滿足而致乎毒也以此湯主之

人參 黃芪 當歸 牛膝 金銀花

甘草 白芷 羌活 紅花 木通節

川芎 皂角刺

加胡桃二枚

回漿合宜散 痘瘡血收漿足別無燥熱之症以此



湯飲之

白芍

防風

米仁

甘草

茯苓

山查

扁豆

加大棗

溫粉撲肌散

治汗出不止者

黃連

貝母

牡蠣粉

各五錢

粳米粉

一升

共磨細末包于絹內撲之

百花膏

治痘收靨燥熱痂皮濺起作痛者

蜂蜜不拘多寡大約四兩配大黃細末一兩和滾湯攪勻以鷄翎拭之痂亦易落

快肌膏 治痘值炎天膿漿燥實偏體如霞煩熱如

火身無安放者

生大黃晒燥為末一兩敗草散五錢調入猪膽汁

宜薄不宜厚以鵝翎輕輕間拭之不可通身塗滿

牛黃八寶丹 不拘已痘未痘嬰兒諸般惡瘡惡毒

此丹有靈氣

牛黃 二分 珍珠 四分 劈砂 五錢 川黃連 三錢

犀角 各三錢 羚羊角 各三錢 雄黃 透明者 青黛 水澄

川貝母 炒三錢 水片 二分 琥珀 二錢 羌活 三錢

佉參

五錢瓦上焙或晒燥

乳香

沒藥

各三錢共出汁盡

右十五味如法製爲細末聽川外將揀淨金

銀花

二兩

甘菊

一兩

甘草

五錢

胡桃肉

二兩擘碎

紫花地丁

連根帶葉理淨勿雜青苔剉斷二兩

長流水五碗砂

鍋內慢火煎至及半取汁將查絞乾以綿濾

清桑柴火熬膏入煉熟老蜜盞許再熬至粘

筋將煎末和丸每丸三分一歲左右者日服

一丸三歲左右者日服二丸蜜調服

秦凱和餅飲

痘瘡收痂厚而滋潤寢食俱安可以

弗藥而調理和鮮者以此湯

金銀花

土貝母

牛蒡

山藥

扁豆

山查

荊芥

當歸

人參

甘草

加核桃肉蓮肉

麥歸化毒湯

治痘餘毒畱連氣血虛弱何以取驗

淡白不振身涼愁困者是也

人參

當歸

黃芪

甘草

金銀花

牛膝

紅花

貝母

山查

皂角刺

白芷

加胡桃肉

和脾宣化飲 治瘧後飲食過傷氣壅飽悶叫喊不

已者

廣皮

萊菔子

半生半炒

前胡

卷舒

炒

大腹皮

去黑黴黑豆湯泡洗

麥芽

山楂

一兩至二兩煎湯代水

雙仙化毒膏

麻油二兩

錦紋大黃一兩

剉片

麻黃

去根五錢剉斷

將二味入於油內煎至如煤之黑取油去渣於水

盆內頓出火氣 將煮熟雞蛋十箇去白取黃於

小銅杓內細細搗碎熬至黃沫泛溢繼而焦黃至

極焦黑青烟將起油將來矣漸有薪道以盡爲度  
亦於水盆內出火氣與麻油合併濾清聽用

復用大黃一兩一半晒燥一半與風化石灰同炒  
炒至石灰如桃花色去灰取黃地上出火氣共爲  
細末 松香五錢爲末入于葱管內用苧絲紮葱  
口于銅杓內煮葱黃熟去葱取松香爲末 川黃  
柏去粗皮淨五錢一半晒燥一半將猪膽汁炙透  
共爲細末 青黛水飛五錢合煎藥總調于藥油  
內其搽法如擦合掌丸以漸而施